




Bosnia and Herzegovina
Federation of Bosnia and Herzegovina

CANTON SARAJEVO
Ministry of Health

Broj: 10-05-8345-42/19
Sarajevo, 09.04.2019. godina



SKUPŠTINA KANTONA SARAJEVO
-Služba za skupštinske poslove-

PREDMET : Odgovor na zastupničko pitanje

Zastupnik **Damir Marjanović** je na Šestoj radnoj sjednici Skupštine Kantona Sarajevo, održanoj dana 26.03.2019. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovnikom Skupštine Kantona Sarajevo, postavio je **zastupničko pitanje**:

“U kojoj fazi je realizacija Akcionog plana za unapređenje prava i položaja osoba sa invaliditetom u Kantonu Sarajevo (2018-2021), i to posebno u segmentu aktivnosti Usvajanja plana uklanjanja arhitektonskih barijera u postojećim javnim objektima, a posebice u školama i fakultetima u Kantonu Sarajevo”.

U vezi sa postavljenim zastupničkim pitanjem dostavljamo slijedeći:

ODGOVOR

Ministarstvo zdravstva Kantona Sarajevo je u proteklom periodu provelo anketu u svim javnim zdravstvenim ustanovama sa područja Kantona Sarajevo, a ista se odnosila na prepreke i smetnje za pristup zdravstvenim objektima. Anketa je provedena sa ciljem rješavanja problema pristupa invalidnih osoba u zdravstvene ustanove na području Kantona Sarajevo.

Analizom dostavljenih podataka ustanovljeno je da je uglavnom pristup zdravstvenim objektima omogućen. Tom prilikom izvršena je analiza širine vrata unutar objekata u cilju nesmetanog prolaza invalidnih kolica, postojanja lifta, postojanja obezbijedenog parking mjesta u sklopu zdravstvenog objekta, te postojanja toaleta prilagođenih za invalidna lica, odnosno lica sa poteškoćama u kretanju, kao i postojanja osobe osposobljene za komunikaciju sa gluhim i nagluhim osobama u svim zdravstvenim ustanovama.

Naime, analizom dostavljenih podataka, evidentan je problem postojanja lifta u centralnom objektu Dom zdravlja Novo Sarajevo, kao i u JU Zavod za zaštitu uposlenika MUP-a Kantona Sarajevo. Informacije sa kojim ovo ministarstvo raspolaže su da postoje objektivne prepreke da bi se obezbijedili liftovi u ovim zdravstvenim ustanovama, odnosno da postoje tehnički problemi i



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1



neprikladnost objekata za izgradnju lifta. Drugi zdravstveni objekti su uglavnom prizemni, a u slucajevima gdje se radi o višespratnom objektu obezbjeđen je lift.

Kada su u pitanju parking mjesta u sklopu zdravstvenih objekata, postoje određeni problemi obzirom da svi zdravstveni objekti ne raspolažu parking mjestima za invalidna lica i druge pacijente.

Također, analizom je ustanovljeno da postoji evidentan problem neprikladnih toaleta za invalidna lica, odnosno lica sa poteškoćama u kretanju, kao i problem što u zdravstvenim ustanovama nema uposlenog kadra osposobljenog za komunikaciju sa gluhim i nagluhim osobama.

Shodno navedenom, Ministarstvo zdravstva će u narednom periodu u saradnji sa zdravstvenim ustanovama nastojati obezbjediti što bolje uslove za pristup invalidnim licima u javne zdravstvene ustanove sa područja Kantona Sarajevo.

S poštovanjem,

Pripremio:

Mr.sci Amra Hadžimuratović Čustović
Stručni saradnik za zdravstvenu zaštitu

Kontrolisao:

Dr Alma Kadić - Pomoćnica ministrice

MINISTRICA

Prof.dr.



web: <http://mz.ks.gov.ba>
e-mail: mz@mz.ks.gov.ba
Tel: + 387 (0) 33 562-104,
Fax: + 387 (0) 33 562-243
Sarajevo, Reisa Džemaludina Čauševića 1

